

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na 13. sjednici Predstavničkog doma, održanoj 31. jula, 1. avgusta i 5. septembra 2007. godine, i na 8. sjednici Doma naroda, održanoj 24. septembra 2007. godine, usvojila je

ZAKON

O IZMJENAMA I DOPUNAMA ZAKONA O IZMIRENJU OBAVEZA PO OSNOVU RAČUNA STARE DEVIZNE ŠTEDNJE

Član 1.

U Zakonu o izmirenju obaveza po osnovu računa stare devizne štednje ("Službeni glasnik BiH", br. 28/06 i 76/06), u članu 1. iza stava (2) dodaju se novi st. (3) i (4), koji glase:

"(3) Osiguranje sredstava za nesmetano izmirenje obaveza po osnovu računa stare devizne štednje neće biti uslovljavano preraspodjelom sredstava javne potrošnje niti rebalansom budžeta.

(4) U svrhu iznalaženja mogućnosti osiguranja dodatnih sredstava za izmirenje obaveza po osnovu računa stare devizne štednje, ministarstva finansija entiteta i Distrikta redovno će sagledavati stanje budžeta i iznalaziti mogućnost preraspodjele eventualnog viška sredstava budžeta s ciljem povoljnijih uslova povrata stare devizne štednje."

Dosadašnji stav (3) postaje stav (5).

Dosadašnji stav (4) koji postaje stav (6) mijenja se i glasi:

"(6) U osiguranju sredstava iz stava (2) ovog člana u estvuje i Bosna i Hercegovina iz raspolo ivih sredstava po osnovu sukcesije biv e SFRJ i drugih raspolo ivih sredstava, a Savjet ministara Bosne i Hercegovine svojom odlukom utvrđuje iznos i na in kori enja ovih sredstava."

Dosadašnji stav (5) postaje stav (7).

Član 2.

U članu 2. iza stava (2) dodaje se stav (3), koji glasi:

"(3) Obaveza vraćanja duga sa deviznih računa i deviznih štednih uloga, iz stava (2) ovog člana, zaključenih sa bankama čije je sjedište bilo van teritorije Bosne i Hercegovine, prema Sporazumu o sukcesiji, obaveza je države, sljednice bivše SFRJ, na čijoj teritoriji se nalazilo sjedište te banke. Bosna i Hercegovina obavezuje se da će, kroz svoje međnarodne aktivnosti, pomoći štedišama koje imaju štednju kod ovih banaka da ostvare svoja prava, najmanje jednako kao i štediše kod banaka čije se sjedište nalazilo na teritoriji Bosne i Hercegovine."

Član 3.

U članu 5. iza riječi "koje" dodaju se riječi: "iz opravdanih razloga", a iza riječi: "mogu se" dodaju se riječi: "u skladu sa ovim zakonom".

Član 4.

U članu 6. stav (4) mijenja se i glasi:

"(4) Ako potražilac raspolaže sa više računa, svi računi pojedinačno se verifikuju i iznosi sabiraju. Svaki pojedinačni potražilac dobija samo jednu potvrdu o verifikaciji na području jednog entiteta, odnosno Distrikta."

Stav (5) briše se.

Član 5.

U članu 8. stav (1), članu 9. stav (1), članu 10. stav (1) tačka i), članu 16, članu 20. stav (4), članu 24. i članu 25 st. (1) i (2) riječi: "Uprava prihoda Distrikta" u različitim padežima zamjenjuju se riječima: "Direkcija za finansije Distrikta" u odgovarajućem padežu.

Član 6.

Član 8. mijenja se i glasi:

Član 8.

(Dostavljanje podataka)

(1) U postupku verifikacije računa stare devizne štednje, banke, Agencija za privatizaciju Federacije Bosne i Hercegovine, te druge institucije entiteta i Distrikta koje raspolažu podacima bitnim za verifikaciju računa stare devizne štednje, dužne su da sarađuju sa entitetskim ministarstvima finansija i Direkcijom za finansije Distrikta, agencijama i komisijama i dostave im sve podatke relevantne za postupak verifikacije.

(2) Institucije iz stava (1) ovog člana dužne su da svoje baze podataka provjere i uredе ih tako da se kao autentі ne mogu koristiti u postupku verifikacije, a posebno da iskažu podatke o kamatama koje se odnose na period do 31.12.1991. godine i period poslije tog datuma."

Član 7.

U članu 11. riječi: "bilo kojoj" brišu se, a na kraju teksta umjesto tačke stavlja se zapeta i dodaju riječi: "ili u mjestima koja su najbliža tim mjestima".

Član 8.

U članu 17. stav (1) mijenja se i glasi:

"(1) Rok za podnošenje zahtjeva za verifikaciju računa stare devizne štednje je najmanje šest mjeseci od početka postupka verifikacije u skladu sa propisima za sprovođenje entiteta i Distrikta, dok su agencije dužne da završe postupak verifikacije u roku od dvanaest mjeseci od navedenog početka verifikacije."

Iza stava (1) dodaje se novi stav (2), koji glasi:

"(2) Izuzetno od odredaba stava (1) ovog člana, utvrđuje se dodatni rok za podnošenje zahtjeva za verifikaciju u trajanju od mjesec dana, koji će se završiti najkasnije do 30. septembra 2007. godine, a agencije su dužne da završe postupak verifikacije najkasnije do 15. decembra 2007. godine."

Dosadašnji stav (2) postaje stav (3).

Član 9.

U članu 20. st. (3) i (4) brišu se.

Član 10.

Iza člana 20. dodaje se novi član 20a., koji glasi:

Član 20a.

(Neusaglašeni stavovi po pitanju lokacije obaveza)

(1) S ciljem rješavanja neusaglašениh stavova po pitanju lokacije obaveza u skladu sa stavom (3) člana 1. ovog zakona, Savjet ministara Bosne i Hercegovine imenovaće posebnu komisiju.

(2) Komisija iz stava (1) ovog člana sastavljena je od predstavnika entiteta i Distrikta na paritetnoj osnovi i jednog predstavnika Savjeta ministara Bosne i Hercegovine."

Član 11.

U članu 21. stav (1) tačka a) riješi: "do 13 godina, a najkasnije do 31.12.2020," zamjenjuje se riješima: "do devet godina, a najkasnije do 31.12.2016. godine,".

Član 12.

U članu 23. iza stava (3) dodaje se novi stav (4), koji glasi:

(4) Izmirenje obaveza po osnovu računa stare devizne štednje ima isti prioritet kao i izmirenje obaveza po osnovu servisiranja spoljnog duga."

Dosadašnji stav (4) postaje stav (5).

Član 13.

Član 27. mijenja se i glasi:

Član 27.

(Izvršne sudske presude)

Izvršne sudske presude po osnovu računa stare devizne štednje sudovi su dužni da dostave entitetskom ministarstvu finansija, odnosno Direkciji za finansije Distrikta."

Član 14.

Ovaj Zakon stupa na snagu narednog dana od dana objavljivanja u "Službenom glasniku BiH".

Predsjedavajući
Predstavničkog doma
Parlamentarne skupštine BiH
Beriz Belkić, s. r.

Predsjedavajući
Doma naroda
Parlamentarne skupštine BiH
Ilija Filipović, s. r.